



# ECM MISSION BULLETIN

VOL: II \*\* ECM Mission Bulletin \*\* Monthly Publication \*\* Siaha \*\* September, 2014 \*\* Issue No. 3

## MISSION DEPARTMENT

- \* Rev. T.Salaw - *Executive Secretary*  
Mb. +918415865811
- \* N.Pasua - *Head Assistant*  
Mb. +919402329097
- \* K.Biakkimi - *Secretary*  
Mb. +919436764092
- \* B.Zihlua - *Coordinator*  
Mb. +919436355300
- \* K.Luakhai - *Receipt*  
Mb. +919436706639
- \* C.Luakhai - *Bill Assistant*  
Mb. +918974932610
- \* S.Vabeirai - *LDC*  
Mb. +919862395145

## HQRS. LÂ TAWHTA

1. Kô 2014 liata Local Church nano nanopa tawhta Missionary achy (sponsor) theipazy cha chyhsa 1359 ama châ hai.
2. Pro. Pastor VBH. Sathei, Pro Pastor Teichinthang, Ls. Merina K. Beinôpha, Ls. Damarly P. Hlychho nata Pihnô B. Merabi zy cha 10<sup>th</sup> September, 2014 liana khata SIMCO (Serving In Mission Candidate Orientation) Course a pha kawpa ta ama patlô.
3. Rev. T. Salaw, Executive Secretary (Misn) cha ECM Mission Field zydua chahryh awpa ta nata ano raohpa ta Machâ N. Riakô, Siahatlâh nata Machâ A. Khailua, Siaha Vaihpi zy cha Mission Field – Tiwa, Arunchal, Mising nata Nepal liata Mission sôh Audit awpa ta 12<sup>th</sup> September, 2014 ta Siaha ama puasai. E.S. (Misn) a y vei chhôhta Rev. P. Riabi, Senior Executive Secretary ta Mission incharge a la aw.

*Published & Edited by B.Zihlua on behalf of the Mission Department, ECM Assembly, Siaha.*

*Printed at ECM Offset, Siaha. Copies - 300/-*

## EIMA MISSION CHAKAONA THATIHZY

*Rev. Ithra Tluma*

Eima Awnanopa heta Thâtihpha chhona su hluhpi atahmâ cha eima hnei haw hra. Thokha cha field hawhta mohhôhpa châ ta, thokha cha hrialâhpa (Partnership) hawhta chakaonazy a châ.

## FIELD HAWHTA CHAKAONA SUZY

**Tiwa Mission Field:** He Field he ECM ta India râh chhôn liata eima chakao tua chaina su a châ. Assam râh Guwahati kiahpâh liata a châ. Field a hneituh hmeiseih cha CBCNEI Baptist Awnano ama châ. Assam râh chhôn liana he Baptist Missionary - England tawh zy, America tawhta nata New Zealand tawhzy ta ama hriana su chaipa a châ. Mongyuh Missionary-zy ama y thei khao vei tawhna khata ama chakaona cha a râh chyhsazy ku liata ama hlâ khai haw.

He Tiwa Field he CBCNEI mohhônna ry liata a pahlypa a châ taraw. Anodeikua a chyhsa pahrâpazy kuhchhana vâta Missionary eihpa mohhôtuh hnei vei ei. Roman Catholic Awnanopazy ta su thokha liata hria ei ta, châhrasala Awnanopa a duahpa rei tlâh awpa y vei ei.

He su liata ECM ta kô 1984 November thlâpâ tawhna khata Missionary pathôh (1) Rev. N. Haolua (2) Machâ N. Hiala nata (3) St. Tluama zy tuapa ama châ. Eima Station cha Pachim Nagaon (Nagaon District) liata a châ. Tiwa chi nata Mosolman zy a pahmaohna châ ta, Tiwa chi ama hluh via. He su liata Director Quarter, School Headmaster quarter, High School O, Pastor quarter nata Staff quarter thokhazy hneipa a châ hra. Achhyna O chhao hneipa châ ta, sôh a daih leina vâta Missionary nata Staff zy ta O tlôh awpa hnei thei ma pi. Chyhsa O zy abyuhna hawhta hired-pa ta tlôhpa a châ.

**Mising Mission Field :** Kô 2002 liata pathaopa châ ta, kô 2003 liata ECM Mission Field ta a pyhpa a châ. Bahguri, Golaghat District, Assam he station châta hmâpa a châ. He su he Supervisor ta a tyuhnie ta, quarter zy, Supervisor quarter, Achhyna O, School O, (High School taihta upgrade a chhuahpa a cha) Headmaster quarter, Missionary zy nata School hyutuhpazy quarter châta O sâpalih (4) hneipa a châ. O thokhazy cha Semi-pucca-zy châ ei ta, thokhazy deikua kuccha a châ hra. He su liana heta râh hneipa châ ta, a chhôn liata quarter-zy sapa a châ.

**Nepal Mission Field :** Nepal Field chhao he kô 2002 tawhta pathaopa a châ. Station châta hmâpa cha Dharan châ ta, Supervisor nata Missionary-zy sapa ama châ. He liata deikua râh chalei awpa sôh ta, a chalei n'awpa phusâ â ryhpaoh leipa vâta chyhsa O hired ta tlôhpa a châ. Achhyna O tlymâ, hriatuhpa quarter tlymâ hnei leipa pi ta, he vâna heta a râh chyhsazy chhao ama palôh tlâh thei vei.

**Chakma Mission Field :** He Field he Mizoram chhôn liata a ypa châ ta, kô 2002 liana khata hria pathaopa a châ. Ama district khihpi Chawngte liata hriatuhpa Missionary-zy sapa châ ta, quarter sâkha nata Achhyna O a y. A khih chyh viapa liata râh hneipa châ ta, Borapansury liata a châ. Chakma chi suapa yna châ ta, Missionary quarter-zy y ta, Achhyna O chhao hneipa a châ. He khih a hniapata liata Ugulsury khih y ta, Missionary sapa châ ta, quarter nata Achhyna O a y hra.

*Next Page*

**Corresponding Address:**

ECM Assembly Office, Siaha,  
Saiha District, Mizoram, India  
Pin - 796901  
Ph. : 03835-222179  
Fax : 03835-222768  
Email: ecm\_misn@yahoo.com

**Editorial****Chakaona liata tiama papua  
via rili lymâ suh vy.**

ECM Awnanopa ta Râhzoh (Mission) eima hriana tawhta reipatipa ta Golden Jubilee tlô daihmâ ha bâ pi ta, a lypa a châ ngaita kaw. Beipa ngiachhiena vâta he chakaona rai rôhnahe a hria theipa eima châ. Khazohpa ta a Sawchapaw hneichhõhpa Zisu Krista cha leidiapazy tlua ta, pachha awpa ta he khizaw lâta vaw tuah ha ta (Luka 19: 10) keimo pachha sawzy pi he y chakhy thaipa châ khao ma pi. Beipa biepiepa cha pathleih beih leipa ta, eima hnohta bie khâ a reih lymâ tyh.

Thi awpa ta chhihthapazy cha pachha la; thih thlâh ha awpazy cha pachha thlyu teh. *"Nathlie teh, he he la pahno ma pi, nama tah khihta cha, pathipalõh khopathlihtuh chata pachâ aw vei tly ma? Nama hrona avaotuhpa chata pahno aw vei tly ma?"* (Bies. 24: 11-12) tahpa ta miah a chho.

He Khazoh bie eima hmõpa hawhta leidiapazy hnohta Thâtihipha chho awpa he a chalihsai thaipa a châ leizie miah a chho pasia kaw. Ngipâtuh a tah tlõh ta, Thâtihipha chho eima uasa leipa khihtala eima hrona chhao taihta pachâ khi a tlohpa a châzie Beipa bie chata zikyu miah a râpa a châ.

Chavâta, daihti phapa, ryhpaona eima hnei no heta leidiapazy hnohta Thâtihipha chhona rai he papeimawhsa ei sih la, buakhata eima diathlâ chhõhta chyhsa hluhpi thina lytlâh ama khô lymâ tahpa khâ pachâpazipa ta, eima chakaona he tiama papua via rili lymâ suh vy.

**HRIALÂHNA (PARTNERSHIP) HAWH TA HRIANA SUZY**

**Tripura Mission Field (TBCU):** He he New Zealand Baptist hriana su châ ta, Baptist Church of Mizoram chhao ama hrialâh hra. Presbyterian Church of India deikua Field hawhta a eihta ama hria. Awnano hropazy chhao a hriapa ama y.

He TBCU liata eimâ hrialâhna he kô 1981 tawhta a châ. A byuhna hawhta Missionary-zy tuah pi ta, Local Evangelist/Native worker zy chhao eima hnei. He ahrialâhna (Partnership) liana heta Beipa byhnâzy chhao thata topa ta, a râh chyhsazy nata ahrialâhpa a châ. Eima Missionary-zy mohhõtuh eihpa châta Director chhao tuapa châ ta, TBCU Compound chhõh liata Director quarter paduapa a châ hra. Eima hrialâh penawh TBCU ta eima Missionary-zy O tlõ awpa ama pachâpa lymâ.

He partnership liata ngiapâ thiehpazy deikua cha TBCU ku liata hlâ lymâpa a châ. Director quarter hleikhô he cha ECM ta ku pathlana hnei hluh vei. Bomanchhora lia deikua Evangelist quarter sapa a châ.

**Arunachal Pradesh Mission Field :** He su liata kô 2010 tawhna khata hria viapa a châ. District khihpi sâkha Tezu, Mishmi-nah yna su a châ. He liana heta Awnano hropa Naga râh tawhzy chhao ama y hõlõ. Tezu khihpi he Station ta eima hmâh. Mishmi Christian Council zy nata eima hriakhoh. Eima hriana a rei leipa vâta Missionary chhao tuah hluh leipa pi ta, Pastor Lalnunhlma Mathiepee nah nôvah nata Missionary hropa panozy tua haipa ama châ.

He leipa partnership hawhta eima chakaonazy cha-Indian Evangelical Mission zy, Friends Missionary Prayer Band zy, RIM (Restoration India Mission) Odisha liatazy ahrialâh ngâhaipa a châ.

Âki chochâ kawpa ta ropa châ vei tahpa eima pahno awpa ei khoh. Field nata Partnership ta eima hriazie chhao eima pahno awpa a pha kaw.

**MISING MISSION FIELD REPORT****-Mission Pastor C. Khaisa  
Field Supervisor**

1. August thlâpâ chhõhta ngiapâ thiehpâ (bati a châpa) zydua chyhsa 16 ama châ.
2. Chanõ hawti Anamika Pegu kô 10-pa lathli T.B. vâta pheita a sie thai khao leipa Beipa ta a vaw patlâh haw.
3. Majuli liata eima Awnanopa (Krizyh penawh) ti laipa ta ama o a vaopa vâta khih hro la ama sanawh nahzy hnohta ama y chy no a châ.
4. Pihno S. Nasia cha tlâhleina vâta atahmâ no he Aizawl liata a mohhõh ngâ haino châ ta, thlahchhâ khei â ngiah kaw.
5. Eima krizyha Mr. Poresh Taye, a paw krizyh leipa cha August 18, 2014 liata thi ta, a hro nota a saw nah krizyh penawh Poresh Taye nata Ranjit Taye chhõkhka zydua ama thi thei n'awpa ta chhie sapa ei ta, chhiesana châta Torch Light byh ruapa liata hmo khõpa ta lyurâhpa, alei liata cha Torch Light cha a pabu.

He a saw nah châta chhiesana a taopa he a thi chyta liata a sawchapawpa Poresh Taye hnohta a vaw reih. Krizyh lei penawh ta pachâ peimawh kaw ei ta, **"He hmo he thao papua leipa ta a y khihtacha Vao sô 6 pa 2/3 thiepa ta atheihna hlâ/tao awpa byuh ta, chi â chhih kawna."** tahpa ta ama reih. He nona heta keimo Missionary nah nata Awnanopa, chapaw saw a châpa zydua ta tluapa ta, hmõ ha pi ta, eima chhiah papua haw. Beipa cha reithaipa ta y mawh sy. He hmo he a khõhpa maih mo thei awpa ta sopa a châ.

**CHAKMA MISSION FIELD REPORT****Mission Pastor V. Chozah  
Borapansury**

Târi 7<sup>th</sup> September, 2014 liana khata nôvah bao kha bati pachâsapa châ ei ta, ama paw he Music a thaipa châ ta, ama khih liata Chakma pho hla a pachutuh chaipa a châ tyh. Kri a vaw zy h tawhna heta eima Awnanopa liata Music lâchhâhta miah a chhituh awpa ta ano tawh heta hnabeiseihna lai kawpa eima hnei.

**Tripura ECM Mission Field thatih tlahpiba:**

ECM ta Tripura rãh liata Thãt ihpha eimã ngiakheina he kô 1991 chã ta, Kamalpur Association liata pathaopa a chã. Missionary eima tua tuachaipazy cha J.Ngunchunga (Late) nata B.L.Syuhlo zy ama chã. Kamalpur su liana heta J.Ngunchunga (Late) nata James K. Raha (Late) zy cha ama chakaona hnôh chaipa ama hmãh.

Tripura rãh he Kokborok reih a hmãhpa, tlãh rãh chyhsazy pahrãna a chã tarawpa ta, Bengali nah, Bangladesh rãh tawhta avaw ngiapazy ta ama pahrã haw. Tahmã cha ama reih Kokborok cha Bengali reihta a dihsao khai haw. New Zealand Baptist Missionary Society (NZBMS) ta Tripura amã vaw ngia tawhta Kokborok reih (Script) cha Roman Script ta vawtaopa ei ta, tahmã cha amô reih tlai ta Bible nata Hlabu zy chhao ama vawhnei haw. Kô 1973 liata NZBMS cha ama rãh lâ amã lie tawhta, Zoram Baptist Mission ta ama chakaona he vaw pazao ei ta, keimo ECM nata 1991 tawhna khata eimã hrialãh pathao hrãpa a chã. TBCU ry liana heta Association sã 17 y ta, As-

**TRIPURA MISSION FIELD REPORT**

*Rev. Pheitha Lava*  
*Field Director, Agartala*

sociation sã 5 liata eima hria ngãhai. ECM chakaona he Debbarma nata Koloï (Kokborok reih a hmãhpazy) chizy hnohta a chã via chai.

Tripura rãh liana heta Thãt ihpha thata laiseih ta, Krizyh penawh chhao ama pôh chatlie kaw. Awnano mohhõhtuhpazy adaih leina vãta Missionary nahzy ta Awnano mohhõhna nata Thãt ihpha chho chakaona rai ama hria pakaoh tyh. Missionary nahzy he hriapasa kaw ei ta, baotuh amã ngiah ngaita kaw. Eima chakaona he 'arõhna kaw' eima tah nota hria pazao awpa deikua eima hnei hlüh ngaita kaw. Tripura rãh liata Krizyhpazy he miah pasõ ngaita ei ta, tanoh taihta ECM Awnanopa hnohta Missionary tuah baichhi awpa ta miah amã haw ngãthlãh ha tyh. Beipa ta eima chakaona he thata byhnã a pie lymã tahpa pahnona chõta he rãh chãna heta thlah khã chã lymã ei suh u.

**Tripura Mission duasu** : Field Director chhaota Missionary 12 chã ei ta, Local Evangelist/Native Worker 9

nata Evangelist Teacher 13 ama chã. School sãkha - Immanuel English School (KG I to CL-VIII) mohhõh haipa a chã.

**Chakaona** : Kô 1991 – 2014 August ( 21 years) chhõhta ECM Missionary zy ta Bati ama pachãsapa zie cha 6773 ama chã. Local Church 38 nata Preaching station (Fellowship) 3 paduapa a chã. Takõ 2014 January – August chhõhta Bati pachãsapa zie cha 130 ama chã.

**August thlãpã chhõh chakaona:**

1. Ngiapã thiehpa Bati pa zie cha 13 ama chã.
2. Rev. Dr. CK. Debbarma, Gen. Secretary, TBCU cha ECM nata Baptist Church of Mizoram (BCM) zyyna su thokha tlypa ta ama chakaona a mokhei ei.
3. Rev. Pheitha Lava, Field Director cha Missionary zy yna su chyhu tlypa ta Pahãnoh programme a hmãkhei ei.
4. Pastor V. Pawha yna su Abichoran liata chyhsa pakha Bati pachãsapa a chã.
5. Pastor L. Khaily yna circle chhõh liata Awnano thiehpa (Preaching station) paduaawpa ta hmãh la ngãhaipa a chã.

**ARUNACHAL PRADESH MISSION FIELD REPORT****-Mission Pastor Lalnunhlma Mathipee**  
**Field Supervisor**

Arunachal Pradesh Mission Field lâta Missionary ta sie awpa he ei pangiasa pha leipa dei chã leipa ta, a pachã chhaota ei pachã beih leipa a chã. Bei Zisu ta Saimaw Pity hnohta, " *Ãthupa lâ pangai la, nga patu awpa ta na saozy vawh teh.*" (Luka 5: 4). a tahpa hawhta eima hyutuhpazy hmãpa ta ã thupa lâ pangai ta, Thãt ihpha sao vaw awpa ta eima nõvah ta Arunachal Pradesh Mission Field lâ tuapa eima chã, tahpa eima pahno thaoh nota cha, eima sawnahzy chã achuna pachãpa vãta nata eima khih hawhta eima vaw pachã hapa Pachim Nagaon (Tiwa Mission Field), kô khazie rakha tlyma eima vaw hria ha na New Life High School hawti nah nata ngiapã thiehpany siesai thlãh ha awpa he a ru, tah pi ta, rãh eima sie beih leina nata eima pahno beih leipa chyhsazy hnohta nata Thãt ihpha adyuhna su liata Thãt ihpha sao vawh awpa cha eimã ngiaroh kaw. Saimaw Pity hawhta reina

hnei awpa eima vaw khoh thlãh haw. Chahasala, eima palõh lia deikua cha he he a sia kaw. **Maniah awtuhpa nata maniah tuatuhpa cha Arunachal Pradesh liata Grape sahdõ a hneituhpa Zisu Krista a chã** tahpa hih. Miah pazi ta, keimo hnohta y awpa ta bie maniah a taihpavãta, Saimaw Pity ta " *Hyutuhpa, ... na bie hawhta saozy cha ei vawh heih awna*" (Luka 5:5) a tahpa hawhta keimo chhao Thãt ihpha sao vawh awpa ta ã thu viapa lâ eima pangai awpa byuh ha tlõh ta, cha cha Beipa Zisu biepiepa chã tlõh ta.

Pity ta khihdeina taihta sao vawh ta, a hlao tloh lei hnõh lâta, Beipa Zisu biepiepa hawhta sao vawh ta, a hlao a vaw tloh nahta a lypa ta a viasazy bao awpa ta a hrua pakhyapa hawhta, keimo chhao tahmã he Awnanopazy thlahchhãkheina zawhzi ta eima chakaona lia maihta Khazoh rõhnana ã lâ lymãpa he a rõhnah tah pi ta, eimã ly ngaita. Rõhnahna nata palyupalihna cha Beipa ta to lymã mawh sy.

**Soil testing:**

Rãhzohpa chakaona chãta eima Awnanopa ta siezie awpa a taopa, Mission Field thiehpa cha kô thõh (3 years) chhõhta chakao tlãh a chã ma, chã vei tahpa pasiana (Soil testing) hnei awpa ta a vaw pathlu hapa hawhta, Arunachal Pradesh Mission Field thiehpa he chakao na'wpa tlãh a chã ma chã vei mohpasia (testing) ngãhai ta, a hmãh tua chaipa nata eima Awnanopa chhaota he siezie he eima hmãh tua chaina a chãpa ta ei pahno. Cha liata keimo nõvah Missionary hry ta a nawh chaipa, "TESTER" ta miah ama hmãpa he a ru lâta cha ngiaroh kaw pi ta, eima riah chhao a chhie kaw. He field lâ sie awpa ta tuapa eima chã nota Khazoh bietaipa eima hnohta a vaw tlõpa, " *Na siena awpa lâpi cha chã chho awna ta, ei cha pachu aw; ei mo ta moh lymãna chõta ryh ei cha raopa aw.*" (Hla 32:8) tahpa bie heta pachãrõhna nata hnabeidyna zy, nozana nata maohphyuhna nata thina nohpahlipa saikao eimã sao no chhaota thlah maniah palõh ta, tha maniah patlõ ta, riahphana maniah pie ta, hmia lâ pangai lymã awpa ta hnabeiseihna thiehpa maniah a taopa heih tyh.

...Pazao heih awpa...

FRIENDS MISSIONARY PRAYER BAND FIELD REPORT

-Dorjapao Guite

Anni Mission Field, Himachal Pradesh

**“Nâmo hriapasapa nata phaohipa zydua saih u, ei hnohta a vy teh u, cha pahâsa vâ ei na.”**  
(Mathai 11: 28).

Eima zydua ta phaohipi nano nanopa nata hmo eima vei kawpazy hnei chy pi ta, khatlu hmahta eima phaozy a vaw hri tyh hra sala, eima Beipa Zisu ta ano hnohta a pahniehta eima phaohipi ano lâta hlâ awpa ta miah a hrua. A mohhônia ry liata y pi ta, A byhnâ miah a piepazy reit iahpa châ vei.

Awnanopazy nama thlahchhâkheina leipa ta eima chakaona he sie thai rimâ awpa châ leipa ta, chavâta thlah athata miah nama vaw chhâpa via lymâ awpa ta eima châ haw.

**Eima chakaona thâti h tâlâhipa:**

1. July thlâpâ chhôn liata chyhsa 110 thâti hpha bie a thei beih leipazy hnohta Beipa kyhpachâna bie chhopa ama châ.

2. Thlahpa leidia awpazy chyhsa 5 pachha papuapa ama châ.

3. Thâti hpha bie a thei beih leipa thotlâh khih sâno liata thâti hpha chhopa châ ta, batina program pachhuahpanohpâ pa a châ.

4. Ei 11 tlai follow up program nata a zo lâta fellowship ei 14 hneipa a châ. Ei 14 Pahânoh apakhyna program hneipa a châ hra. Noh 1 chhônia krizyh penawh zydua apakyhpakhyna program taopa châ ta, Pakhynoh maihta ei 14 nie lei, doh leipa ta thlahchhâna hneipa a châ.

5. Holy Bible 1, Biehrâi thiehpâ 2 nata 70 tracts/ krizyhpâ châbu chyhnawhpazy rai papuapa a châ.

**Beipa reithaina :**

1. Kubje Devi, Ghatu khihpa cha thla 6 chhôn tlâhleipa ta a y tawhta tlâhna a vaw hnei haw.

2. Thlahpa leidia awpa chyhsa 5 pachha papuapa ama châ.

3. Duvraj, Banega khihpa cha â pakhy tawhta thlahlôhna a hnei.

4. Sita Devi, Dharli khihpa cha kô

24 chhôn a ku pasa ta, thlah eima chhâpa tawhta tlâhna a vaw hnei haw.

5. Ved Prakash, Noni khihpa cha eima chakaona liata a vaw pazao hra.

He he eima thlahchhâna theilâpa a châpa ta eima pahno.

**Thlahchhâ khei awpa:**

1. Seena Devi- Gagri khihpa, Champa, Kali nata Begu Devi- Bandal khihpazy cha ahri pa ta a pabua khao lei n'awpa ta.

2. Kanta Devi kô 2 chhôn ahri pa ta a pabua tyhpa châta.

3. Rumku Devi, Naun khihpa cha vo (skin) pasana kô 3 chhôn hnei ta, a tlâh thei n'awpa ta.

4. Chindi Devi, Bandal khihpacha pôhpa pasana nata vo (skin) lâchhâh hri-iah tawhta a tlâh thei n'awpa ta.

5. Shivani, Urtu khihpa, eima Achhyna O châta room sâkha miah a patlôsatu hpa sawchanônô cha chhôn pasâ, luhpahiah nata a palipazy tawhta a tlâh thei n'awpa ta.

6. Eima Field liata Missionary nahzy nata Evangelist nahzy ta thatlô viapa ta Beipa rai ama hria thei n'awpa nata chhônkha hnatlâna phapa ama hnei thei n'awpa ta.

Paw machâpa Talaru Ram, Gholat khihpa cha zâkô 2013 November liana khata a sawchapawpa ahneina kyhchhi nohta eima Missionary pakha nata Evangelist pakha hrua ta, a chhâpa khâpa hmahta a y leipa ta eima Evangelist cha a y dâh a ngialeipa hawhta reihpa ta a moh pachhie ta, Evangelist paw ta hetana heta tah ta, **“Nâma nâ do leipa a châ khihtala Beipa ta na duasu cha pachâ sala, keima ei do leipa a châ khihtala Beipa ta ei chakaona he na pachhâsapa mawh sy.”** tah ta. Cha nhôn lâ thla no a khô nahta, a sawchapawpa nata a lahpinô nata sawnahzy a dyh rai a dyh thai khao leipa ei ta, ano eihta beihzy a chhopa ta y ei ta, a machâpa paw nata a lahpinô cha âmo deita ta ama y haw. Tahmâ he machâpa paw chata ama O liata thlahchhânazy hnei awpa ta miah a vaw awtyh.

**MISSION FIELD CHÂTA BAONA (DONATION) VAW PIEPA ZY August, 2014**

S/ No	Pie Noh	Baotuhpa Moh	Phusa zie	Moh	Baona chhâpa
1	2	3	4	5	6
1	4/8/2014	KNP Branch	1,00,000/-	College Vaih	Tripura Mission Field liata Achhyna O sa na'wpa châta
2	5/8/2014	Treasurer	4,000/-	Gilgal	Mising Mission Field liata Water Pump chalei na'wpa châta.
3	6/8/2014	Machâ K. Daochai	500/-	Shalom	Mising Mission Field liata Student baona châta.
4	8/8/2014	Treasurer, KNP	6,000/-	Gilgal	Tiwa Mission Field liata student baona châta.
5	8/8/2014	Rev. Dr. T. Laikai	3,000/-	Bazar	Bhutan Mission Field liata Krîsmas patlô na'wpa châta.
6	12/8/2014	HC. Lalrinthanga	50,000/-	Bazar	Mising Mission Field liata Krîsmas patlô na'wpa châta.
7	18/8/2014	KNP Branch	50,000/-	Siaha Vaihipi	Nepal Mission Field liata Achhyna O sa na'wpa châta.
8	28/8/2014	Treasurer, KNP	10,500/-		Mising Mission Field liata Holy Grace Schhol fan chalei na'wpa châta.